

Evening Dogri (NSD) Bulletin 17-05-2025

आकाशवाणी

खबरां ----

1. सरकार पाकिस्तान प्रायोजित आतंकवाद खिलाफ भारत दे धेइयै गी पेश करने आस्तै मुख सांझेदार देशें च 7 बहुदलीय प्रतिनिधिमंडल भेज्जोग।
2. उपराश्ट्रपति जगदीप धनखड़ होरें आखेआ जे संकट दे समें च खलाफ खड़ोने आहले देशें गी सशक्त बनाने च भारत हुन कोई सहयोग नेई देग।
3. हरियाणा पुलस नै हिसार थमां इक यू-ट्यूबर ज्योति रानी गी पाकिस्तान आस्तै जसूसी करने दे आरोप च गिरफ्तार कीता।
4. जम्मू-कश्मीर च राज्य जांच एजेंसी-एस.आई.ए नै मध्य ते उत्तर कश्मीर दी बक्ख-बक्ख थाहरें छापेमारी कीती।
5. राश्ट्री जांच एजेंसी-एन.आई.ए नै पुणे आई.ई.डी मामले च आई.एस.आई.एस स्लीपर सेल दे 2 सदस्यें गी कीता गिरफ्तार।

<><><><><><>

Govt-Delegation

केंद्र सरकार आपरेशन सिंदूर दे मद्देनजर पाकिस्तान प्रायोजित आतंकवाद दे खिलाफ भारत दा पक्ख रखने आस्तै बक्ख-बक्ख देशें च बहुदलीय शिष्टमंडल भेजने दा विचार करा'रदी ऐ। सूत्रें मूजब हरेक शिष्टमंडल च सत्ताधारी ते विपक्षी पार्टियें दे सांसद शामिल होडन। कांग्रेस दे वरिष्ठ नेता जयराम रमेश होरें नमीं दिल्ली च संवाददाताएं गी दस्सेआ जे संसदीय कार्य मंत्री किरें रिजिजू होरें कांग्रेस अध्यक्ष मल्लिकार्जन खड़गे हुंदे नै इस कूटनीतिक पहल पर गल्लबात कीती ऐ। सरकार दी इस पैहल दा

मकसद पाकिस्तान च फल्ला-फुल्ला दे आतंकवाद पर भारत दी स्थिति कब्रै कुल संसारी समुदाय गी अवगत कराना ऐ ते पाकिस्तान किस चाल्ली आतंकवाद गी शैह ते समर्थन देइयै इसी अपनी सरकारी नीति दे तौरा पर इस्तेमाल करै करदा ऐ, इस बारै ओहदा अस्सल चेहरा दुनिया दे सामने आहनना ऐ। इनें प्रतिनिधिमंडलें च बक्ख-बक्ख राजनीतिक दलें दे सांसद, मन्ने परमन्ने दियां राजनीतिक हस्तियां ते मानजोग राजनयिक शामिल न, इनें 7 प्रतिनिधिमंडलें दा नेतृत्व करडन। कांग्रेस सांसद शशि थरूर, बीजेपी सांसद रविशंकर प्रसाद, जनता दल यूनाइटेड सांसद संजय कुमार झा, बीजेपी सांसद बैजयंती पंडा, डीएमके सांसद कनिमोझी करुणानिधि, राष्ट्रवादी कांग्रेस पार्टी सांसद सुप्रिया सूले ते शिवसेना सांसद श्रीकांत एकनाथ शिंदे, संसदीय कार्य मंत्री किरें रिज्जू होरें 7 दलीय प्रतिनिधिमंडलें दे महत्व उप्पर लोह पांटे होई आखेआ जे एहू प्रतिनिधिमंडल भारत दे सांझे संदेश गी लेइयै चलडन जेदे च आतंकवाद गी दना बी बर्दाश्त नेई करने आहली नीति दा संदेश होग। उनें आखेआ जे एहू सियासी मतभेद सोआं परे राष्ट्री एकता दा इक शक्तिशाली प्रतीक ऐ। उनें आखेआ जे ऐसे मौके पर जिसले सब्बनें शा मता जरूरी हुंदा ऐ। भारत इक्कजुट होइयै किट्टे खडोंदा ऐ।

<><><><><><>

VP

उपराश्ट्रपति जगदीप धनखड़ होरें अज्ज आखेआ जे भारत अगगे कोला ऐसे देश गी सशक्त बनाने च कोई भूमिका नेई निभाग जेडे गै मुश्किल दी घड़ी च ऐदे खलाफ खडोई जान। जयपुरिया इंस्टीच्यूट ऑफ मैनेजमेंट दे सालाना दीक्षांत समारोह गी नमीं दिल्ली च संबोधित करदे होई धनखड़ होरें आखेआ जे राष्ट्र दी सुरक्षा च हर इक मनुक्ख सहयोग करी सकदा ऐ। बपार, उद्योग, वाणिज्य दा जिक्र करदे होई उपराश्ट्रपति होरें सुरक्षा मसले च इंदी अहम भूमिका पर लो पाई। धनखड़ होरें सारे सशस्त्र बलें ते प्रधानमंत्री नरेंद्र मोदी होरें'गी चला रदे आप्रेशन सिंदूर दी बेमिसाल सफलता आस्तै सलाम कीता।



Haryana-Spy Arrest

हरियाणा पुलस नै इक यू-ट्यूबर गी हिसार थमां हिरासत च लैता ऐ। ज्योति रानी ना दी इस यू-ट्यूबर पर आरोप ऐ जे ओहू पाकिस्तान आस्तै जसूसी करदी ही। सिविल लाइन्स पुलस स्टेशन, हिसार च ज्योति दे खलाफ मामला दर्ज कीता गेआ ऐ। कोर्ट सामने पेश करने दे बाद ज्योति गी 5 दिनें दी रिमांड पर लैता गेआ ऐ। डीएसपी पोलीस हिसार कमलजीत होरें आखेआ जे ज्योति पाकिस्तानी खुफिया एजेंसिएं दे संपर्क च ही ते सोशल मीडिया राएं खुफिया जानकारी सांझा करदी ही। उनें दस्सेआ जे ज्योति 4 बारी पाकिस्तान जाई चुकदी दी ऐ ते इस करिए भारती एजेंसियां ओदे पर तक्क रक्खा'रदियां हियां। हरियाणा पुलस नै 25 ब'रें दे देवेन्द्र सिंह गी बी कैथल दे मस्तगढ् ग्रान्ड गिरफ्तार थमां गिरफ्तार कीता ऐ। देवेन्द्र पर बी पाकिस्तानी खुफिया एजेंसी आई.एस.आई आस्तै जसूसी करने दा आरोप ऐ। कैथल दे पुलस अधिकारी एस.पी आस्था मोदी होरें आखेआ जे देवेन्द्र सिंह भारती सेना दी खुफिया जानकारी पाकिस्तान गी दिंदा हा जेदे च आप्रेशन सिंदूर बी शामिल ऐ।



World Hypertention Day

अज्ज वर्ल्ड हायरपरटेंशन डे यानि हाई ब्लड प्रेशर सरबन्धी कुल संसारी ध्याड़ा ऐ। इस सरबन्धै च अज्ज दुनिया भरै च केई सारे कार्जक्रमें दा आयोजन कीता जा'रदा ऐ। इस ध्याडे दा मकसद हाई ब्लड प्रेशर दे कन्नै जुडी दिएं समस्याएं बारै जागरूकता फैलाना ऐ ते एहदे कन्नै गै एहदे थवां बचाऽ ते एहदे प्रबन्धन बारै बी लोकें गी जानकार बनाना ऐ। इस ब'रे इस ध्याडे दा विषेसार ऐ-“अपने ब्लड प्रेशर दी सेई ढंग्गै कन्नै जांच करो, उसी स्हेई रक्खो ते लम्मी जिंदगी जियो”। इस ध्याडे गी मनाने दी शुरूआत ब'रे 2005 च कीती गेई ही। वर्ल्ड हायरपरटेंशन लीग नाऽ दी इक्क गैर सरकारी संस्था पूरी दुनिया च इस समस्या गी खत्म करने लेई कम्म करा'रदी ऐ।



SIA-Raids

राज्य जांच एजेंसी एस.आई.ए नै अज्ज मध्य ते उत्तर कश्मीर दी कई सारी थाहरें पर अज्ज छापे मारे न। एहू छापेमारी आतंकवाद सरबंधत संदिग्ध गतिविधियों पर तफसीली कार्रवाई दा इक हिस्सा ऐ। अज्ज बडुलै रम्भ होई दी छापेमारी उत्तरी कश्मीर दे सोपोर, बारामूला ते हंदवाड़ा च कीती जा'रदी ऐ। जिस्सलै के मध्य कश्मीर दे गांदरबल ते श्रीनगर च शुरू कीतियां गेइयां। इनें छापेमारी दौरान अजें तगर कोई बी गिरफ्तारी ते बरामदगी दी खबर नेई ऐ। सूत्रें दस्सेआ जे एहू तपाशी कश्मीर च चलाए जा करदे आतंकवादी तंत्र दा खात्मा करने कन्नै जुड़े दा ऐ। ध्यानजोग ऐ जे एहू कारवाइयां बड़गाम जिले दे कावूसा नारबल इलाके च प्रतिबंधित आतंकी गुट लश्कर-ए-तायबा दे 3 साथियें गी गिरफ्तार करने मगरा कीतियां गेइयां न।



NIA

राश्ट्री जांच एजेंसी-एनआईए नै दो भगौड़ें गी हिरासत च लेई लैता ऐ जिंदी पंछान प्रतिबंधित आई.एस.आई.एस आतंकी संगठन दे स्लीपर सेल दे सदस्यें दे तौर पर होई ऐ। 2023 च पूणे च आई.ई.डी बनाने ते ओदी पक्ख करने दे मामले च आरोपी हे। एनआईए दे इक बयान जरिए जानकारी दिती ऐ जे 2 जने गी मुम्बई अंतरराश्ट्री ब्हाई अड्डे दी टर्मिनल-2 पर अप्रवासन ब्यूरो नै फड़ेआ ऐ। 2 धड़े जकार्ता ते इंडोनेशिया थमां भारत आवा'रदे हे जित्थे ओहू छप्पे दे हे। एनआईए नै इनेंगी हिरासत च लेई लैता ऐ। एनआईए नै दस्सेआ जे दवें आरोपी पिछले 2 बरें थमां छप्पा'रदे हे ते इन्दे खलाफ एनआईए स्पेशल कोर्ट, मुम्बई तरफा गैर जमानती वारंट बी जारी कीते गे हे।



Power Minister BRICS

बिजली मंत्री मनोहर लाल होर ब्रिक्स उर्जा मंत्रिणं दी बैठक च शिरकत करने आस्तै ब्राजील दे आधिकारिक दौरे पर ना। एहू बैठक इस महीने दी 19 तरीक गी शुरू होग। इस बैठक दौरान मंत्री होरें ब्रिक्स राश्ट्रें दे उर्जा मंत्रिणं कन्नै किश महत्वपूर्ण मुद्दे पर चर्चा करंगन जिंदे च उर्जा सुरक्षा औदे तोड़ी पुज्ज, सामर्थ ते टिकाउपन शामिल ना। उर्जा मंत्रालय नै अपने इक बयान च आखेआ ऐ जे इस बैठक दौरान भारत पिछले 10 सालें च हासल उपलब्धिणं गी दस्सोग जेदे च उर्जा क्षमता च 90 फीसदी इजाफा परतिए इस्तेमाल कीते जाने आहली उर्जा च विकास, ग्रीन हाईड्रोजन, जीव इंधन ते कन्नोकन्नी उर्जा दे खेत्तर च नमियां काडुं ते टिकाऊ विकास शामिल ऐ। इस बरे ब्रिक्स उर्जा मंत्रिणं दी बैठक दा विशेसार ऐ Empowering Global South Cooperation for Inclusive and sustainable global Governance यानि समावेशी ते टिकाऊ वैश्विक शासन आस्तै वैश्विक दक्खन सहयोग गी सशक्त करना।

<><><><><><>

IPL-Restart

इंडियन प्रीमियर लीग IPL 2025 इक्क हफ्ते दे बक्फे दे परैंत अज्ज परतियै शुरू होने आहला ऐ जेदे च मेजबान रॉयल चैलंजर्स बेंगलुरु ते कोलकाता नाइट राइडर्स बश्कार एम. चिन्नास्वामी स्टेडियम बेंगलुरु च इक मैच होग। मैच संझा साड्डे 7 बजे शुरू होग। एहूदे शा पैहले भारत ते पाकिस्तान बश्कार बधदे तनाऽ दे कारण आई.पी.एल गी 9 मई गी रोक़ी दित्ता गेआ हा। फाइनल मुकाबला जेडा 25 मई गी होना हा, हून 3 जून गी होग। मैच होने दी थाहरें सरबंधित जानकारी बाच दित्ती जाग।

<><><><><><>

Doha-Diamond League

भारत दे नीरज चोपड़ा दोहा डायमंड लीग च मर्दे दे नेजा सुट्टने दे मुकाबले च दुई थाहै पर रेहू ना। उ' नें 90 इशारिया 2-3 मीटर दी रिकॉर्ड दूरी तगर भाला सुट्टने च कामयाबी हासल कीती। जर्मनी दे

जूलियन वेबर 91 इशारिया सिफर-6 मीटर दे कन्नै पैहली थाहै पर रेहू। नीरज होरें त्रीये राउंड च 90 इशारिया 2-3 मीटर तगर भाला सुट्टियै अपने करियर च पैहली बारी 90 मीटर दी दूरी गी पार कीता। जूलियन वेबर नै अखीरी कोशश च पैहली थाह हासल कीती। प्रधानमंत्री नरेंद्र मोदी होरें ओलंपिक्स विजेता नीरज चोपड़ा होरेंगी दोहरा डायमंड लीग 2025 च 90 मीटर दा छिंडा पार करने पर मुबारकबाद दित्ती ऐ। सोशल मीडिया पोस्ट च मोदी होरें इस उपलब्धि दी सराहना करदे होई आखेआ जे खडारी दा अपना सब्बनें शा बेहतरीन प्रदर्शन ओह्दे अटूट समर्पण ते अनुशासन दा गै नतीजा ऐ। उनें आखेआ जे भारत गी इस कामयाबी पर गर्व ते खुशी ऐ।

<><><><><><>